

EW NAMOPUNG

A awora ukukun \$15,000 seni ewe Monienapen ewe Muun Chuuk ren fan asengesin chekin moni mei kawor seni moni mei ioi me non Chuuk ren fan iten Fiscal Year 1983, me pwan ren ekkoch popun.

Epwe pung me ren ewe Legislature-un Chuuk.

Tetten 1. Iei a kawor ukukun \$15,000, ika fite epwe tongeni naaf seni ewe Monienapen ewe Muun Chuuk ren fan asengesin an epwe mooni angangen chekin ekkewe moni mei kawor seni ewe monien ewe Muun Chuuk mei ioi me non Chuuk ren fan iten Fiscal Year 1983.

Tetten 2. Ei ukukun moni mei kawor me ren Tetten 1 epwe nomw fan tumunuwen me amwokutuwen ewe Speaker non ewe Truk State Legislature, ewe epwe wisen tumunu nounoun ewe moni ren an epwe chok fiti metewe popun mei affat non Tetten 1, pwan fiti pungun ewe State Financial Management Act, iwe esap pwan wor nounoun me katoun moni epwe nap seni ei ukukun mei kawor. Nussun moni esemwo it me non ei moni non September 30, 1984, epwe niwinsefan ngeni ewe Monienapen ewe Muun Chuuk.


Tetten 3. Ewe Speaker epwe awora an report ngeni ewe Legislature me mwen April 15, 1984, epwe affatatiw:

(1) unusen porausen nounoun ewe moni mei kawor me ren Tetten 1, fongon me ukukun nussun mei wor non April 1, 1984; pwan


(2) napanapen nounoun ewe nussun moni mei wor non April 1, 1984, an epwe nounou non ewe nussun fiscal year, nge och sopusopun report won ewe nussun moni epwe pwan kawor ngeni ewe Legislature ika ew committee mei wenengeni, nefinen 20 ran me murin soponon ewe fiscal year.

Tetten 4. Ei Namopung epwe poputa pochokunan fansoun an kapunguno me ren ewe Kepina, ika fansoun an a pusin winiti annuk won pusin winikapan, nge esemwo kapunguno.

Sain seni: 
Kisande Sos, Speaker
Truk State Legislature

h Annetata: 
Datasi Albert
Legislative Chief Clerk
Truk State Legislature

Pwinin maram: 1/25/84

A Kapunguno seni: 
Erhart aten, Governor
Truk State Government

Pwinin maram: January 27/84